

۵۸
۱۰
۵۸

حقوقی بیلگیلر مجموعه سی

آیده بر نشر اولنور

DOCTRINE

نَتَبَعْلَر

حقوقی فکرلر — RÉFLEXIONS JURIDIQUES

مجموعه و اصول محاکمه

آرقداشلر آره سنده موضوع مباحثه اولان بر مسئله حقتده شو قيصه مطالعه نی یازمق ایسته دم :

قانون مدنی نك طرز تطبیقی تثبیت ایدن قانون مخصوصك ۴۳ نجی ماده سی عیناً شورد :
« قانون مدنی یه ، بورجلر قانونه و بوتطبیقات قانونه مخالف اولان حکملرله مجله ملغادره .
قوانین سائر نك هانکی احکامی قانون مدنی نك متن و یا روحه مخالف اولدینی قضیه سی
تقدیره محول بر کیفیتدر ؛ زیرا مغایرت و مخالفت خصوصی بعضاً ضمنیدر . قانون مدنی نك
صراحه نهی و یا امر ابتدیی خصوصاته مخالف بر حکمی محتوی بولنان دیگر بر قانون
طبیعی تطبیق ایدیه مه یه جکسه ده قانون مدنی ده صراحت اولمایان خصوصلرده قانون مدنی نك
روحاً دیگر قوانین احکامیه مغایرتی جهتی انحق تقدیر ایله تعیین ایدیه بیلیر ؛ مع هذا
مجله احکامی کلیاً ملغادر . بو قیده رغماً مجله نك بعض موادینك دوام تطبیق ایجاب
ایده جکدر . زیرا اصول محاکمت حقوقیه نك ۸۹ نجی ماده سی موجبنه « شهادتک نصایی ،

و کیفیت اداره‌سی و شروط اساسیه‌سی و دعویاه موافقی و شاهدرك اختلاف و افاداتی و ادای شهادتدن صوکر ا تزکیه‌لری و یا خود شهادتدن نکوللری خصوصاری مجله احکام عدلیه‌نک کتاب بینانته توفیق اولنور . هر نه قدر مجله‌نک الغاسیله برابر کتاب بینات دخی ملغا عد ایدیلورسه ده اصول حقوقیه‌نک مذکور ماده‌سندده موضوع بحث اولان مواد ، اصول حقوقیه الغا ایدلمدیکه ، موجود و مرعی عد ایدلمک لازم‌کلیر . چونکه اصول محاکماتک اشبو ۸۹ نجی ماده‌سی طادتا مجله‌نک شهادته متعلق موادینی قبول ایتمش دیمکدر ؛ تعبیر آخرله کتاب بینانک شهادته دائر اولان ماده‌لر عیناً اصول محاکمته علاوه ایدلمش دیمکدر ؛ یالکز او ماده‌لری یکان یکان تکرار ایتمکدن ایسه اشبو ۸۹ نجی ماده هیئت عمومی‌سیله اقتباس ایتشدرد . او حالده مجله‌نک الغا ایدلدیکنه دائر صراحت اولمغله برابر اصول محاکمه الغا ایدلدیکندن بینانک شهادته متعلق احکامی و موادی اصولک محتویات و متمماتندن عد ایدیلرک مرعی عد ایدلمک لازم‌دردر . ده صریح بر صورتده بو فکری ایضاح ایتک ایجاب ایتسه شو صورتله افاده مرام ایدیله‌بیلیر : مجله‌نک شهادته متعلق احکام و موادی عیناً اصوله درج ایتمکدن ایسه تسهیللاً للمصلحه اولنره معطوف بر ماده تنظیمیه اکتفا ایدلدی ؛ مجله‌نک مارالذکر ماده‌لری عیناً اصولده مندرج اولسه ایدی مجله‌نک الغاسیله برابر ، اصولده بولنمی مقتضی بولنان مذکور ماده‌لر الغا ایدلمه‌مش اوله‌جق ایدی ؛ او حالده اصول محاکمه ابطال و الغا ایدیلنجیه قدر ، اصولک استناد ایتدیکی مجله ماده‌لری مرعی اولق لازم‌کلیر .

بعض ارقداشار دیگر بر نظریه درمیان ایدیورلر ؛ مجله‌نک الغاسیله برابر بینات خصوصی‌ده ملغا اولوب اصولک ۸۹ نجی ماده‌سی‌ده بوسورتله استنادسز قالمشدر ؛ مع‌هذا حاکم ، احکام محرره بولمادیفی تقدیرده عرف و عاده کوره حرکت ایتدکه مأذون و صلاحیتدار بولونمغله یکی اصول محاکمه نشر ایدیلنجیه و شهادت حقنده احکام وضع ایدیلنجیه قدرینه اسکی احکامی عرف و عادت نامی آلتنده تطبیق ایتلمه‌نه امکان واردر . بن ، ایلمک نظریه‌ینی نفس‌الامر ده موافق بولویورم . هیئت تحریریه‌مزدن مدرس م . رشیدبک برادرمن دخی کچن نسخه‌مزدده نشر بویورددلری قیمتلی مقاله‌ده ایلمک نظریه‌ینی قبول بویورمشلردی .

قانونلرک تشکيلات اساسيه موافقى

بارس حقوق فا کولتەسى حقوق اساسيه مدرس محترمی موسيو آشیل مهسترك بويچە دائر يازوب ايلک نسخه مزده انتشار ايدن قيمتلى مقالەنى اوقويوجيلرمزک لايقيله تقدير ايتدکلىنه امينز ؛ محترم معلمک موضوع بحث ايتديكى مسئله اوروپا و امريکا ادبيات حقوقيه سنده بويوک برير اشغال ايتمکده اولديغى کي بزدهده منتسبين حقوقک تدقيقاتى جلبه لايقدر . برعکسکنده حقيقى ده موقراسى نک ياشاماسى آنجق قانونک حاکم بولومسنة منوط اولوب بوکا موفقيت الورمک ايچون ده حکامک بر قانونک قيمت و ماهيتنى تقديره صلاحيتنى قبول ايتمک الزمدر ؛ قانونلرک اساسى ، تملى ، منبى تشکيلات اساسيه قانونيدر ؛ جمهوريتک نفوس تذکره سيدر . دولتک ، افرادک حقوق او قانونک حمايه سنة بخولدر . اکر سياسى جريانلرک تأثيرى ، آنى و کيچي سبيلرک تضييقى آلتنده مجلسلر بيلهرک ويا فرقه و ارمابه رق تشکيلات اساسيه قانونه مغاير بر قانون قبول و نشر ايتشلر ايسه حاکم او قانونى تطبيق ايتمک مجبوريتنده بولونماز ؛ بو ، تشکيلات اساسيه قانونک حسن صياقتى تأمين ايدەجک الک مهم برواسطه در . حاکمزه بوحق و يرمکله اولا حکامک موقعى اعلا ايدلمش اولور ؛ حکامک موقعى بوکسليمکده ايسه هم دولتک ، هم افرادک فائدهسى بويوکدر . ثانياً افرادک حقوقى ده زياته مصون اولور ؛ زيرا ، تشکيلات اساسيه قانونک تأمين ايتديكى حريتلره مغاير بر قانون ، هر نعلسه انتشار ايتمش اولسه بيله ، تشکيلاتە منابرتى اثبات ايدلديكى آنده تطبيق ايدلامک صورتيله حقوق افراد مصون و محفوظ قالير . ثالثاً بالذات مجلس بويله بر مراقبه يه تابع اولديغى دوشوندکجه قوانينى احضارده فضلە سييله ثانياً ايدر ؛ بوده بر فائده در . واضع قانونلرمن بويله دوشوندکلىرى ايچوندرک تشکيلات اساسيه نک ۱۰۳نجى ماده سنده « تشکيلات اساسيه قانونک هيچ بر ماده سى ، هيچ بر سبب و بهانه ايله اهمال و يا تعطيل اولنه ماز . هيچ بر قانون تشکيلات اساسيه قانونه منافى اوله ماز » ديه امر ايتشلردر ؛ اکر ، مذکور ماده نک امر صريحه رغماً تشکيلاتە مغاير بر قانون چيقوب ده حکامک اونى عدم تطبيقه صلاحيتى اولمازسه ۱۰۳نجى ماده نک حکمت تدوينى قاله ماز . بناءً عليه برعالمک ديدىکي کي قانون اساسى يى اخلاص ايدن هر هانکى بر قانون ، بر قانون تقليدندن باشقه برشى اوله مايه جغنى تکرار ايله برابر حکامزه بويله مقلد قانونلرى تطبيق ايتمه مک خصوصنده حق تقدير و يرمک لازمدر ؛ ده دواغروسى بوحق تقدير تشکيلات اساسيه

قانونك ۱۰۳نچى ماده سىنجه حكامه وېرلىش اولوب حكامك اوصلاحيق استعمال ايتلمىنى
تمنى ايتمك لازمدر .

بك مهم عد ايتديكمز بو مسئله حقنده ارباب حقوقك لطف ايده جكارى يازيلرى
شكرانه قبول ايده جكز .

فرانسجه مەلۇمەلەر

مجموعه مزك برنجى نسخه سنده هر مقاله نك فرانسجه خلاصه سنى درج ايتديكمز
كې بو نومرودن اعتباراً فرانسجه قسمنى آرييورز ؛ بعض ارقداشلىر بو خلاصه لردن
بر فائده چيقيمايه جغنى درميان ايتمشلىر ايسه ده شمدىلك بو فكره اشتراك ايتمه يورم ؛
بو خلاصه لرى اوقويوب علاقهدار اولان و توركجه يه واقف اولمايانلىر مقاله نك ترجمه سنى
ايسته يه بيليرلر . برده مجموعه يى نشردن بلكه ديكمز غايه لردن برى ده بر پارچه اوروپا علمى
مخيطلرېنى ، مملكتهمزده حقوقى بر جريانك وجودندن خبردار ايتمكدور ؛ اوروپانك هر
طرفه كوندرديكمز بو مجموعه نك فرانسجه خلاصه لرى توركياده حصوله كلن درين
حقوقى انقلابلىك وجودندن ومنتسبين حقوقك مسائل حقوقيه و علميه ايله اوغراشدقلىرى
اوروپا مجموعه لرىنى و علمى مخيطلرېنى خبردار ايده جكدر ؛ بو فائده يى كوچوك عدايتديكمز
فرانسجه خلاصه لرى درجه شمدىلك دوام ايده جكز .

مېموسى : غار فرائقور

مفوق اساسه

انتخاباتده رأى اعطاسنك مجبوري

بو مقاله ، پارس حقوق فاكولته سى مدرسلردن موسيو شاوغره ن طرفندن مجموعه من ايجون
قله آلتشدر :

هيچ بر انتخابات يوقدر كه اسملىر ليسته لرده محرر بولان بالجله منتخبلر آكا اشتراك
ايتمش اولسون . بونك اسبابى مياننده اول بو منتخبلردن بعضيسنك اعطاي رأى
ايده بيله جك حالده بولمادقلىرى ذكر ايديله بيلور .